

Wanem Nao Hemi Ifek Blong Vaelens Agensem Ol Pikinini?

Vaelens agensem ol pikinini i save kosem fulap rabis ifek long laef blong wan pikinini....

- ***Ol yangfala pikinini oli save stat blong mekem ol samting we oli bin mekem taem we oli baby olsem:***
 - Krae krae o komplen plante
 - Pis pis long bed long naet be oli bigwan finis mo save yusum toilet
 - Faenem I had blong go sleep
 - Fraet bigwan long ol samting we oli no nid blong faet long hem
 - No wantem aot nating long mummy o daddy
 - Titi long thumb blong hem oltaem
 - Stat blong 'stutter' o gat problem wetem toktok
- ***Ol pikinini we oli moa bigwan oli save:***
 - Faenem i had blong konsentret long skul mo nomo wantem toktok tumas long ol klas aktiviti
 - Filim gilty o blemem olgeta wan from vaelens we oli stap fesem o luk
 - Faenem I had blong mekem ol fren
 - Maet oli faet o rao wetem ol narafala pikinini
 - Gat fulap headache o harem bel i soa oltaem
- ***Ol teenager oli save:***
 - Faet mo rao wetem ol narafala teenager o ol famli
 - Stat blong mekem ol samting olsem dring, dring kava o smok
 - No mekem gud skul wok blong olgeta
 - Skippim skul/lego skul
 - Harem nogud tumas oltaem – 'depression'
 - Wari plante oltaem
 - Tingting daon long hem wan oltaem

Vaelens agensem ol pikinini i save kosem ol ifek long pikinini even taem we hemi kam wan bigman finis

Wan pikinini we hemi fesem o luk vaelens taem we hemi yang, i gat bigfala janis blong hemi mekem vaelens taem we hemi kam bigwan bitim ol pikinini we oli no luk o fesem eni vaelens.

Mo ol gel we oli fesem vaelens taem we oli yang, oli gat bigfala janis blong stap long wan rilesensip we man blong olgeta hemi vaelen long olgeta, bitim ol gel we oli no fesem vaelens long yang taem blong olgeta.

Mo tu wan pikinini we hemi fesem o luk vaelens taem hemi yang, hemi save gat ol helt problem taem hemi kam bigwan – olsem high blood pressure mo diabetes, o ol problem blong harem nogud tumas o fraet tumas (depression mo anxiety).

***OL IFEK BLONG VAELENS AGENSEM OL PIKININI I
BIGWAN TUMAS.***

***YUMI OL BIGMAN YUMI MAS PROTEKTEM OL
PIKININI AGENSEM VAELENS MO ABIUS***